

摘藻堂四庫全書薈要

集部

欽定四庫全書薈要

集部

清閔閣全集卷六



詳校官助教臣謝登雋

欽定四庫全書蒼要卷一萬六千五百五十二集部

清閔閣全集卷六

元 倪瓚 撰

七言律詩

屋漏

寂寞江天暮色懸重陰愁絕卷塵編  
走看破壁雨沈窳

思卧蘆花雪滿船風捲高一作堤沙一作樹  
拔泉翻野

援藥苗延青山天矯浮雲外自愛新秋爽氣鮮

贈惟寅 有引

陳君惟寅天倪先生令子也天倪為黃清權高士之甥清介孤峭甚似其舅讀書鼓琴不慕榮進澹泊無欲以終其身惟寅能守其家法者也世故煥燬安貧自樂窮經學古教授鄉里色養得親之歡心友愛盡弟妹之和樂綴葺詩文於以自娛余嘗愛其藻麗不羣然有出塵之想聊搗鄙語用詠才華暮春之辰忽過江渚出示新什相與披詠因成長句

以歸

美焉

不見元方已隔年暮春孤坐北江邊政憂浪濶多風雨却喜君來共簡編諷詠新詩非偶爾艱虞遠別更淒然

看花相約重過此已放柳條維酒船

曲彥遠寄茗裹賦此道謝且求致梨栗木瓜

遠屋青山謝朓居木瓜梨栗種扶疎不妨暇日騎官馬  
自喜清時少簿書九月授衣霜欲落百年回首雁飛初  
猶憐踽踽空山客茗裹封題遠慰予

故吾

縹緲青山日欲晡瀰漫秋水興何孤鶴歸城郭生新夢  
塵掩圖書尚故吾南畝藝苗傷碩鼠北窻臨澗聽啼烏

醉歸倘乞封侯地便復移家傍酒壚

三月二十二日雨懷荆溪舊遊寄原道

憶昔荆溪棹酒船綠波搖蕩女蘿煙春茶未放仙人掌  
雨巖先舒稚子拳巖間石上尋遺跡作賦題詩多昔賢  
今日空齋獨對雨幽懷猶夢白雲邊

酬友生

泖水山光照屋廬每思潘令賦閒居客愁不解連三月  
詩贈全勝枉尺書醉墨不妨拈秃筆狂吟時復近前除

亂離自歎摧頽甚  
晝寢毋嗔老宰予

二月晦日聽劉伯容彈琴

遠思翩翩屬五湖  
一杯濁酒咏唐虞  
清琴忽作金石弄  
佳士今猶山澤臞  
飛絮遊絲颺風日  
瀑流松吹灑巾襦  
羣龍汨溺淫哇久  
古樂蕭條古道迂

答元用

野水浮鷗不世情  
煙濤漂泊羽毛輕  
雲移短棹無機久  
雪點青山照眼明  
甫里宅邊逢酒熟  
吳松江上看潮生

夫君為話征途苦惆悵令人意不平

同通書記過鄭先生舊宅

女蘿垂綠翳衡門野水通池沒舊痕有道忘情觀物化  
清言如在想人存淒涼江海空茅宇慘淡煙埃委石尊  
一奠山泉薦芹藻古心寂寞竟誰論

馬國瑞東臯軒

未羨勳名馬伏波優游鄉土樂娑娑輕舟陌上山堪數  
細雨籬邊菊未過一作莎浩蕩五湖鷗夢遠蕭索萬里鶚



情多寒宵偶伴

一作廳  
時有

幽人宿月燭藜牀

一作  
高懷

幔綠蘿

次韻張榮祿追和楊別駕賦王番陽東湖勝遊

四首呈雲浦耕雲二君

祇今誰是番陽守別駕題詩凡幾春僚屬得才青瑣舊  
兒童騎竹白頭新當筵意欲凌雲外今日人誰問水濱  
陳迹寥寥風景換桃源何處覓遺民

賓客從來逸興多雨深春渚綠增波笙簫載月迴鸞鶴  
雲錦飛裙織芰荷短世悠悠大槐國餘哀嫋嫋竹枝歌

湖山窅落行人老翠影蒼煙寒蕩磨

散亂鳧鷖發棹謳波明雲淨宛如秋酒杯青落垂楊影  
塵尾風生杜若洲匣裡鳴琴箴復掩盃中覆水竟難收  
白頭聞說開元盛雙淚滂沱似瀑流

湖上晚風明綺霞春雲覆竹影交加歌喉圓滑吟山鳥  
舞袖低徊亂渚花綠淨碧虛寧敢唾星垂河注欲乘槎  
玉堂坐想當時勝榮祿詩成謾自誇

贈王文靜

靜寄軒中酒一罇陶然醉裡別乾坤碧桃花已當窓發  
翠竹陰須映戶繁荏苒春光逐風雨婆婆歲晚落丘園  
洗洗更祝螽斯羽若欲宜男賸種萱

和王子明韻

從俗浮沈多厚顏醉筵舞袖作弓彎雉羅孰是逃三窟  
豹管能窺見一斑縱酒已拚時共棄歌詩猶與世相關  
采薇巖穴聊終隱林下閒雲自往還

送盛高霞

霜髮飄飄鶴上仙相逢遠海幾何年種桃遂有劉郎賦  
鼓瑟寧知曾點賢華表不歸塵汨汨吹簫何處月娟娟  
嗟余百歲強過半欲借玄關一作靜學禪

陸文玉見過時余初喪長子

荆溪二月春風惡燈火論交夜對牀白鶴遶壇初露下  
碧梧滿地忽霜黃卜商失子人誰弔阮籍窮途只自傷  
政使陸郎能慰藉賦詩懷舊更淒涼

贈道士李嘯虛

龍虎巖前李鍊師幾時飛舄洞庭陸晴天白鶴興閒遠  
秋水蒼龍光陸離山中杏熟從收穀階下芝生看奕棋  
邂逅樓船海上便還應與爾道相期

送霞外師過磧沙寺因寄鄭博士毅長老

湖水東邊磧沙寺繙經室裏看爭棋  
食馴沙鳥巢當戶坐愛汀雲影入帷  
惠遠向修為律縛康成終老只書癡  
寄語山靈莫疑怪松陰好護中興碑

次韻贈林泉民張孟辰

三徑誰尋二仲蹤一丘木石紫溪翁思尊張翰有清識  
閉閣茂深多祖風午夢池塘春草綠輕陰窻戶落花紅  
應懷錫谷林泉勝山色依微在望中

送葉道士東歸分得懸字用韻三首

愁心黯對夕陽懸忽見高標喜欲顛似與人民千歲隔  
更詢耆舊一悽然青燈綠酒看成醉祕篋珍圖自滿船  
歸去還臨劔池月定應歌此酌山泉

憶爾心如旌旆懸相逢泖渚欲華顛窮冬風景吾衰矣

落日煙濤思渺然八詠樓前思舊宅三高祠下覓歸船  
棲幽定洗塵喧耳剝吸東陽一斛泉  
君到茅簷雨溜懸采芝期我碧山顛掀髯一笑非徒爾  
隔世重逢豈偶然沙渚屐聲歸泖客晚潮帆影下江船  
為予一話艱危際雙淚沾衣似迸泉

贈別榮子仁

退食從容下玉除當年史館燦成書藝場馳騁答賓戲  
筆陣縱橫賦子虛山水娛情經亂後圖書連舸渡江初

君來愧我無供給，一勺寒泉薦菊盞。

雨中在林氏賦贈徐生

終朝風雨洗炎歊，隱几無言思次寮。已絕鳴蟬咽衰柳，  
空吟翡翠集芳一作蘭。茗嘉魚坊裡多名酒，碧鳳橋邊欲

晚潮。二子翩翩

一作林徐

有高致，為陳筆墨遠相招。

戲題嚴錄事所集書畫藪

雨館晝逢嚴錄事，手持書畫索題詩。金題玉躡齊梁迹，  
墓刻厓鑄秦漢碑。把玩始驚繁卷軸，品量還愧拙言詞。



古人冷淡今誰尚  
誰尚謾葺殘編慰所思

以龍尾硯寄錢徵士

龍尾誰磋古硯池  
庚庚玄壁隱風漪  
知君筆力能扛鼎  
愛我雲腴欲產芝  
投贈寧論百金直  
咏懷更賦五言詩  
唯應洗濯寒泉潔  
靜試松煤獨下帷

宿清流堂

衍慶院中無市聲  
清流堂上晚風清  
一派濁涇從污染  
百灘白月見空明  
我性非澄本爾淨  
外塵徒擾元不驚

恒公宴坐清涼海還許遊人來濯纓

題畫送僧

用大機吳人也住宜興保安寺壬子九月十日將還山廬寫秋樹筠石并詩以贈之且以呈方厓

禪伯云

不到荆溪三十秋南津溪水亦東流用公近住金鵝嶺  
魏族猶隣白虎丘楓葉爛斑霜落後竹枝蕭瑟渚邊頭  
歸逢古德方厓叟為話談玄舊日遊

夜宿張判府環綠軒贈玄度

戊申十月十八夜環綠軒中借榻眠舞影霜筠風細細  
縈窻素練月娟娟此生寄迹雁遵渚何處窮源漁刺船  
染筆題詩更秉燭語深香冷思凄然

子章號夢庵走筆題

夢庵春夢幾時醒隱約江湖且寓形愁見亂離心忽忽  
迹疎親友淚熒熒松陵遇我才經宿浙水歸舟且暫停  
蕉鹿紛紛何得失霞明煙外數峯青

江上遇楊德朋

吳淞江上米家船邂逅龜蒙舊宅前  
政似燕鴻交泛泛聊憑楮穎度  
年年糟牀滴雨誰沽酒破衲蒙頭獨坐禪  
莫學山僧空載月主人情重更留連

題春山高士圖和韻

扁舟溪上數來過白髮殘春奈我何  
柳絮如煙迷曉浦杏花飛雪點春波  
林扉有客圖丘壑石室何人帶女蘿  
欲和華山高隱曲羈愁悽斷不成歌

過桐里

依微桐里接松陵，綠玉青瑤繚復縈。  
為咏江城秋草色，獨行煙渚暮鐘聲。  
黃香宅裡畱三宿，甫里門前過幾程。  
借書市藥時來往，未一作不許居人識一作道姓名。

寄陳余二校書

吳松江水碧泫泫，忽憶江城一作陳余兩隱君。  
酒艇時搖夜

濤，月書帷影亂晴窻雲。一貧老我長為客，二仲英賢已

著文。何事雙魚俱寂寞，玄一作清言經歲不相一作不使余聞。

宿普渡僧舍

悲涼華屋總荒墟人事乖張已久如兩部草池蛙鼓吹  
一襟桐露鶴階除狂遊且盡餘生酒宿習猶存半舸書  
初日輕煙棹歌去江潭柳影亦蕭疎

贈姚掾史

相府共推三語掾卜居曾占九龍峯美髯不獨如靈運  
佳句仍兼似鮑溶我有茅齋當絕壁時看晴雪落長松  
因君喚起故園夢彷彿三生石上逢

賦居延王孫德新小隱軒

志隱寧須分小大不論塵市與山林橘中之樂固不淺  
壺裡有春藏更深奕戲自能忘世事酒尊聊用散沖襟  
莘耕巖築苟無遇豈有朝堂論道心

次德機韻

一作賦德機  
荆南精舍圖

溪上田園定有無愁將歸思畫成圖春林寂寂花開落  
風牖泠泠鬼嘯呼尚有流泉悲夜雨已荒幽徑入寒蕪  
何當一舉同黃鵠未覺山川路鬱紆

別彥貞

空齋風雨話連宵歸夢不知山水遙鶴遠城荒嗟寂寂  
香霏鬢影共蕭蕭市中乳虎人三語燈下寒釭酒一瓢  
無念百年聊樂爾海鷗飛去定難招

挽鶴溪張先生

子述孫承久熾昌薦饑多施活人方向金壇下良常洞  
白鶴溪邊世壽堂孔壁遺書覘古學祇園法藏溢神光  
乘雲笑謝人間世九秩逍遙返帝鄉

首夏即興呈貞居



鵝鴨如雲散碧漪  
來禽青李壓低枝  
深林汲澗常聞虎  
清晝焚香獨下帷  
路出城東無十里  
燕來堂上不多時  
可憐稚筍都成竹  
忽見春蠶已吐絲

寄盛高霞

不見情親踰一載  
素書到手淚滂沱  
仙人蛻骨煩重瘞  
去鶴思歸忍再過  
墓左碑隨煙燼冷  
手栽松斷斧斤多  
知君欲話悲辛意  
慟哭爭如後會何

題畫貽王光大

荆南山色隱晴湖，暖翠當窻不用圖。  
避世移家今十載，盛書連舸泊三吳。  
可憐畫卷撩歸夢，依舊香奩傍藥爐。  
珍重故人王架閣，筆能扛鼎要人扶。

寄白石

敝屋渝盟也，任渠多巢野鵲。厭鳩居人，情轉劇空懷土。  
家具無多，莫借車踽踽，獨行良不易。紛紛薄俗，竟何如  
波瀾翻覆，從千變道眼，遐觀熱惱除。

送杭州謝總管

南省迢遙阻北京張公開府任豪英守臣視爵等候伯  
僕射親民如父兄錢廟有碑刊夜雨岳墳無樹著秋聲  
好將飲食濡饑渴何待三年報政成

丙午十一月十九日避泖上丁未十二月十六  
日始去此至陳溪分湖間矣因寫喬柯竹石  
并題

泖渚淹留再煥寒移居何處卜林巒可憐產不能恒業  
聊復心隨所遇安船底流澌微浙浙葦間初日已團團

故人存沒應難訪  
愁裏題詩強自寬

寄錢伯行

春雨斑斑長菊苗  
坐憐依砌蕙花消  
此時行逕泉侵溼  
閉戶哦詩江怒濤

一作  
動搖

政爾清虛忘世傲  
不妨貧賤使人驕

下帷寂寞錢徵士  
艇子看花許我邀

題本中峯觀蓮像

東南唱道據禪林  
諷詠蓮心契本心  
善矣不塵仍不染  
美哉如玉復如金  
三周妙法耆闍崛  
十丈開花玉井岑

今日仰師猶古佛風波回首一長吟

呈良常

無家已老復何歸碧樹團團尚夕暉清越風湍帝子瑟  
縱橫隴畝僧伽衣世波汨濁毋溷我節序炎涼且息機  
白鳥汀前坐來久泉侵野徑暮依微

寄朱府判

明月娟娟夜二更挑燈孤坐不勝情尊前舊恨多年積  
枕上新愁何處生已作閒雲孤鶴去不堪隨柳傍花行

使君為省春田出可念憂時老釣耕

清明

江雲籠雨白煙生愁眼看花淚溼纓可惜紅英滿芳草  
又經上巳復清明漂漂羈旅燕鴻迹昵昵愁思兒女情  
老鶴莫教塵土浣碧巖松下紫芝榮

寄徐季明

海虞山下徐公宅修竹長松左右栽陳榻待君時一下  
顧園有客莫驅回至今清夢依然在欲寄新詩草草裁

自是漫郎嫌俗子也應魚石有蒼苔

學書

幾叢枸杞護藩籬一徑莓苔卧鹿麋獨許陶泓為密友  
更呼毛穎伴幽棲野鶩家雞成品第來禽青李入書題  
臨池自嘆清狂甚直好還同鍛柳菑

贈范壻

范公文杏園西宅喧寂一塵還

一作  
渾

異宜鼓琴深林調

清越讀書稚子聲唔伊簾旌不動香如霧硯席生涼雨

散絲欲飲寒泉錫麓洞暫違清賞一題詩

題鄧氏扇上

鄧家層軒留十日陸郎酒船來百回  
蓴羹鱸膾亦已甚冰甌雪碗何為哉  
江雲飄飄委坐席岸柳垂垂落酒杯  
飲酣戲寫齊紈扇山河微影月徘徊

李文遠製墨次吳寅夫韻

潘衡墨法老坡傳承晏昆仍又幾年  
獨依山室燒桐子贈與仙人寫內篇  
石竈霞光存活火夜帷雲影炫晴煙



要知文字遺不朽猶向詩中咏墨仙

贈墨生吳善

吳生製墨變潘法住近義興山郭中洗玉巧當前澗水  
采花還覓古時桐照夜虹光燈隱壁拂雲鸞尾谷生風  
長年圭璧富潤屋我善養生那有窮

贈墨生沈學翁

沈學翁隱居吳市燒墨以自給所謂不汲汲  
於富貴不戚戚於貧賤者也烟細而膠清黑  
若點漆近世不易  
得矣因賦贈焉

桐煙墨法後松煙妙賞坡翁已久傳麋角膠清瑩玄玉  
龍文刀利淬寒泉山解唯珍白鵝帖雲窻誰錄古苔篇  
愛爾治生吳市隱收煤一室數燈然

四月廿八日蓬屋題

江湖風雨夢頻驚舟楫沿洄莫計程不幸乃今成大幸  
有生真亦似無生都生自足賢賓主岑氏誰言好弟兄  
世故愛憎從毀譽一杯聊復暢幽情

擬賦岳鄂王墓

耿耿忠名萬古留當時功業浩難收  
出師未久班師急相國翻為敵國  
謀廢壘河山猶帶憤悲風蘭蕙總  
驚秋異代行人一灑淚精爽依依  
雲氣浮

一作荒墳落日重回頭

### 再二首

姦任忠誅轉縲悠鄂王固豈為身謀  
中興可望隳成業南渡何心報敵讐  
廢壘山河猶帶憤悲風蘭蕙總驚秋  
莫言當日民遮哭更使他年過客愁

丹楓落日隱荒祠蕭瑟清秋志士悲  
復國豈期護賣國

出師何遽詔班師少康一旅應無計李牧多功徒爾為  
汨汨江流寫餘恨可憐宋祚亦終移

盧公武甫當世衰道卷之際獨能學行偉然不  
但賢於流俗而遂已不愠人之不知嗜古金  
石刻辭汲汲若饑渴隱居婁江之鹿城澹泊  
無營若將終其身焉命予賦鹿城隱居詩因

賦

避俗龐公隱鹿門鹿門靜亦絕塵喧釣綠水北菰蒲渚

牕俯江南桑柘村書蠹字殘緇汗簡石魚名古刻窪尊  
地偏舟楫稀來往獨有煙潮到岸痕

和甘白先生樂圃林居二首甲寅六月五日

闕闕幽鳥綠陰濃林塢陂池曲曲通荷雨逗涼侵北牖  
汀雲度水迅南風清琴咏雅寧諧俗濁酒攻愁似有功  
聞道秋來偏起蚤一簾晨露引高桐

竹裏齋厨柳下渠幽林風景自應殊家無甌石惟憂道  
隣斷炊煙急索租山水巍湯聊足樂雨雲翻覆豈吾徒

蘧蘧栩栩天涯夢楚水湘雲叫鷓鴣

十六日夜聽甘白彈琴

溥溥夕露淨衣巾  
虛牖琴聲向夜分  
變雅變風由正始  
江濤江雨洗炎氛  
烟中雉雉登春木  
石上猿吟隔嶺雲  
山意寂寥知者少  
匣藏無使世人聞

廿八日又一首

白蘋風起日初沈  
露坐鳴琴望碧岑  
七月炎熇已流火  
一聲冰玉落空林  
胡沙幽結嬋娟恨  
飛佩空遺縹緲音

清景娛人羣動寂冷然真足洗予心

貞壽堂為吳縣尹楊彝作

貞壽堂前風日遲  
夭夭寸草答春暉  
兒兮事育心無忤  
母氏康寧志不違  
後日腰懸季子印  
只今身著老萊衣  
熙然鶴髮照綠酒  
金鴨火溫香靄微

因儒者董惟明至荆溪輒寫贈別士元鄉契一  
詩以呈厓翁知己承教念及恐欲知近况何  
如耳

古德乖違已數年相逢吳苑話迢迢木魚晨粥同僧赴  
仙掌春茶破悶煎採藥童歸隨貿市眠松老鶴伴棲禪  
語離更問余何適思屬江雲浦月邊

兩往候見皆不得面賦此奉寄以寫我心須稍  
涼再謁耳瓚上惟寅高士

兩到幽居不一逢青苔行徑白雲封敲門自看池上竹  
悲嘯更倚風前松足疲塵土三伏日思屬雲屏九疊峯  
解帶牆陰憩孤寂暮歸林下已鳴鐘



野舟西堂吾鄉之英才也辛酉冬仲邂逅於簡  
村蘭若為寫江山夕照圖并詩以贈野舟又  
號牧菴故云耳

鵬搏鯤化未逍遙大呂黃鐘久寂寥燕處丘園真足樂  
貪愚海賈定難招能禪豈復沈空寂善牧寧當犯稼苗  
逢著吾鄉閒老子地爐連榻話連宵

題陳虛碧畫

虛碧真人物外遊尚遺餘跡雪鴻洲城荒鶴怨無窮恨

雨駭風驚滿眼愁  
紅樹青山樓白鳥  
碧花翠蔓引牽牛  
我來髣髴三千歲  
清淺蓬萊幾度秋

八月二日雨涼寄道翁親契

飄飄江雨沃秋陽  
戢翼幽禽葉底涼  
庭砌苔滋連竹淨  
陂塘荷氣勝花香  
結茅何處足松朮  
歸夢遠林餘磻岡  
惆悵同心阻攜手  
掩扉山室聽鳴螿

留別道翁二首

一室蕭閒無市聲  
浦雲沙鳥到階庭  
朋來直諒惟三益

心醉離騷與六經  
曠世有懷頭已白  
經年不見眼猶青  
江村又作思君夢  
睡起長吟月滿汀

綠雲幽思接飛猱  
與子乖違更鬱陶  
門掩候蟲秋寂寂  
窻鳴風柳夕騷騷  
滄江波外孤帆舉  
太華峯顛一隼高  
歸去青苔黃葉落  
托隣樵牧共遊遨

題顧定之為周正道寫篔簹圖

蕭蕭瑟瑟一林風  
寫與城東拙逸翁  
石室先生仙去遠  
虎頭孫子獨稱雄  
霜毫淡墨陰晴外  
曙月寒窻夢寐中

對月懷人一悲慨雪泥蹤跡似飛鴻

和拙逸翁謝惠紙扇之作

楮箑輕於一葉桐  
淒淒懷袖灑溪風  
吟搖楊柳春煙綠  
醉障荷花落日紅  
疑是片雲飛忽墮  
修成寶月樣偏同  
美人半掩歌唇小  
翠黛清眸莫惱公

次拙逸叟立春韻

雪泥蹤跡歎飛鴻  
逐逐馬牛千里風  
去日年光悲少壯  
中星時節自西東  
園梅破臘花渾白  
詩老逢春語更工

獨有無家霜鬢客寒廳咄咄坐書空

題周遜學天香深處卷

城柝啼烏風滿裳月明琪樹影侵牆  
霏微露下琴尊淨鬱勃胸中書傳香  
山隔浦城迷去雁草荒吳苑泣寒螿  
黃雲堆逕無行跡幽思迢迢夢故鄉

次遜學道經錫麓懷外家韻

九龍峯色葉蒼茫雲卧西溪夢洛陽  
鴻漸草堂泉石在春申祠宇草苔荒  
千年仁術傳鄒孟萬里風煙壯帝鄉

欲覓外家成惆望船窻風雨灑微涼

一菴大士舊雖識未深相知庚子二月十四日  
復訪之於壽明即留三宿挹其風標聽其言  
論始知古德師也余恐其慈忍拯溺之心過  
甚未即深僻幽閒之地乃寫竹梢并賦以撼  
之云爾十六日嬾瓚和南

壽明寺裏連宵話震澤汀前永日留雨葉風梢愁寂寂  
陶泓毛穎思悠悠蓬萊莫道仙人遠兜率還同大士遊

乞子玉窻清鳳尾能從歸掃白雲不

壬子正月廿三日邂逅芝年講主於婁江朱氏  
之芥舟軒中芝年熟天台之教旨嚴菩薩之  
戒儀七遮既淨一乘斯悟與語久之敘衽敬

歎因寫圖賦詩以贈

優鉢曇花不世開道人定起北巖隈  
遠山迢遞窻中綠垂柳低昂水次栽  
丈室淨名禪不二三生園澤夢應迴  
閒雲野鶴時相遇草草新詩為爾裁

七月六日雨宿雲岫幽居文伯賢郎以紙索畫  
因寫秋亭嘉樹圖并詩以贈

風雨蕭條晚作涼  
兩株嘉樹近南窗  
結廬人境無來轍  
寓跡醉鄉真樂邦  
南渚殘雲宿虛牖  
西山清影落秋江  
臨流染翰摹幽意  
忽有衝烟白鶴雙

留別勝伯徵君

清修卓行虞徵士  
食粥三年致母喪  
詩法道園能入室  
畫傳洪谷早升堂  
獨高落落松筠節  
不逐悠悠鷓鴣行



此日別君江海去波光鷗影思微茫

一作孤帆回  
首指斜陽

### 寄惟允

我別陳公才五霜未應髮白視茫茫  
向哦夜雨懷無已冠著方山似季常  
夏沼已浮蓮藥碧春衣猶怯樹陰涼  
久知服食清虛甚更試仙翁煮石方

### 題安處齋

湖上齋居外史家淡煙疎柳望中賒  
安時為善年年樂處士謀身事事佳  
竹葉夜香缸面酒菊苗春點磨頭茶

幽棲不作紅塵客  
遮莫寒江捲浪花

送虞勝伯之雲間求先世遺書

虞勝伯徵君隱居行義家甫里垂二十年不以姓名求知於時之聞人道園先生其從叔祖也先世雍公遺文道園先生欲求而不可得勝伯必欲以急購取之可謂有志而不忘其所自矣聞此書藏松江俞子中推官宅推官沒已久而子俊州尹其弟能假以歸勝伯非仁人義士之存心乎州尹吾故人也因書以為之請陶蓮大尹見之當有以教我

州谷泐泐逝水波  
雍公勲業未消磨  
况當異代求文字  
尚有聞孫校舛訛  
京國不聞收汗馬  
草萊終見沒銅駝

誰陳聖主賢臣頌  
奈爾陰山勅勒歌

上平章班師

金章紫綬出南荒  
戎馬旌旗擁道傍  
竒計素聞陳曲逆  
元勲今見郭汾陽  
國風自古周南盛  
天運由來漢道昌  
妖賊已隨征戰盡  
早歸丹闕奉清光

次韻答陳叔方早春見懷二首

隔江山翠晚依微  
隱映江邊白板扉  
事往依依驚歲改  
老來念念覺前非  
已看庭草侵行徑  
漸有汀花拂釣磯

慚媿詩篇慰幽獨白頭從此莫乖違

清夜哦詩手自書也應把燭倩官奴瘦牛犂确荒田隴  
肥馬蹠跚笑瓠壺且釀松花江水碧更分煎朮嶺雲腴  
人間誰覓玄真子春雨扁舟釣綠蒲

贈周校書

中元習靜松江渚回首塵埃多厚顏富貴不如長處賤  
奔馳何似得心閒參天竹樹存貞碧動地波瀾任往還  
翰與荆溪周處士避人探道掩松關

西神山行

載錫山志

昔在九龍雲霧中，泉邊蠟屐遍行蹤。  
南樓明月看時好，西澗故人行處逢。  
亂後不聽鶯鶴錫，夢回猶憶下堂鐘。  
休兵即欲幽棲去，見說禪房膝可容。

送朱善長

之子才華足起予，迴如明月麗清渠。  
方誇道韞哦春雪，已見梁鴻挽鹿車。  
榕葉擁厓山店遠，海濤喧枕夜城虛。  
明年好鼓澄江柁，歸奉江波雙鯉魚。

老唐有詩見寄謂冷淡無錢覓即欲返棹豈知  
不冷淡而冷淡中有溫甘者存焉

春風春雨不勝寒江路無泥雨即乾千樹梅花明屋裏  
一痕山翠出林端高情不許庸人識俗眼何從妙畫看  
若對陶公談世利唐翁可謂沐猴冠

易尚賢赴鮑郎場司丞次王叔明韻

江山寥落白雲飛城郭煙濤獨鶴歸碧落輕帆來縹渺  
夕陽遠樹見依微熬波霜雪良艱苦富國魚鹽果是非

猶歎蝸牛廬底客，焜黃時節尚締衣。

白馬寺通長老修圓覺期化緣

惠遠深心白蓮社，湯休麗句碧雲篇。  
懺摩不懈香燈供，般若仍通文字禪。  
雨後春池芹細細，月明寒渚竹娟娟。  
東林門外聞鐘返，惟有陶公妙入玄。

至正九年八月十六日計籌山呂尊師訪予蕭  
閒館為予言顧仲瑛徵君玉山隱居之勝輒  
想象賦長句以寄他日尚同袁南宮攜琴嘯

咏竹間也

解道玉山佳絕處山中惟有呂尊師已招一鶴來庭樹  
更養羣鵝戲墨池松風自奏無絃曲桐葉新題寄遠詩  
若許王猷性狂僻徑來看竹到階墀

別章鍊師

方舟共濟春江濶訪我寒煙菰葦中鼓柁斜衝賞葉雨  
鈎簾半怯杏花風仙人壇上芝應碧玉女窻前桃未紅  
擬趁輕帆數來往縹壺不惜酒如空



送盛道士遊越

浙東山水隔層雲，雪霽千峯曉不分。  
蕭瑟松林疑鶴語，縱橫苔石見羊羣。  
昔聞陽洞啟神祕，中有仙人留玉文。  
羨爾尋真不辭遠，好隨煙霧挹飛裙。

送元白上人往中竺

求法高僧何處去，向中天竺最高峯。  
飛鳶欲沒天低樹，杖錫應投湖外鐘。  
半席白雲臨碧澗，四更落月掛長松。  
定回依約三千歲，若見拈花紹遠宗。

因吳國良過玉山草堂賦詩奉寄

玉山樹色隱朝陽更著魚莊近草堂何處唱歌聲款乃  
隔雲濯足向滄浪珍羞每送青絲絡佳句多投古錦囊  
幾問掉船尋好事辟疆園圃定非常

昔張外史有古銅洗種小蕉白石上置洗中名  
曰蕉池置積雪軒西園老人追和張劉二君  
詩書掛軒中余亦為之次韻

雪中芭蕉見圖畫蕉池積雪終彫零風翻窻裏浪花白

雨壓牀頭雲葉青詩人超軼有遠思造物變幻難逃形  
爾亦林居喜幽事曉浥石溜攜銅瓶

題良夫遂幽軒

來訪幽居秋滿林塵喧暫可散煩襟風迴研沼搖山影  
夜靜寒蛩和客吟危磴白雲侵野屐高桐清露溼窻琴  
蕭然不作人間夢老鶴眠松萬里心

贈茅山陳太虛

三苑山色隱晴空君住華陽第幾峯陰澗石梁懸蟠螭

曉窻雲氣結芙蓉南遊白拂凝塵久西去青牛何處逢  
歲晚棲息足松朮遲予飛屩往相從

題朱澤民為良夫作耕漁軒圖

寂寂溪山面碧湖輕舟煙雨釣菰蒲曉耕巖際看雲起  
夕偃林間到日晡漢書自可掛牛角阮杖何妨挑酒壺  
江稻西風鱸膾美依依蓴食待蕉蘇

和正道哭外孫張汶二首

幼能為學日幼書一病兼旬遂隕軀已怪飛來坐隅鵬

俄驚斃此渥洼駒  
窻間夜雨青燈曉  
庭下微霜碧樹枯  
谷鳥呼兒聲慘惻  
傷心慈母體為痛

富貴壽夭柄誰操  
造物無情偶自遭  
病葉辭柯驚宿雨  
殘燈照室斂餘膏  
外翁攜幼情如失  
慈母思兒夢亦勞  
忍聽風前泣幽咽  
城樓吹角月當壕

送賴善卿采詩

陳詩昔在周盛日  
刪詩已是衰周餘  
祖述孰能加四始  
研窮我已後諸儒  
嗟子用意亦勤厚  
聽音知政非迂疎

願排閭闔獻采錄坐變四海如唐虞

題本立中上人雲山望松圖

西望雲山何處亭鶴歸松枯秋冥冥上人不廢藜藜句  
山室長書貝葉經未應佛法外孝弟定感仙手鐫碑銘  
過家上冢世代隔慟哭亭前蘿月青

次孟辨見寄兼東立中蘊中二大士

江水空青好卜居會衝春雨過平湖雲山欲覓無聲句  
花果誇傳沒骨圖莫倚陸機曾入洛最憐張翰獨思吳

本瓊二士平安否應共清吟對酒壺

贈述首座

述也嘗為第一座袈裟曾染苾芻尼烏鳶翔舞隨施食  
龍象森嚴聽白椎歸錫湖崩沙際路晨飡筍茁岸邊籬  
何當就子西汀樹著我輕舟一暫維

九日田舍小酌

身世浮沈如漏舟師亡道喪獨悲秋蛩寒尚復吟秋草  
狐死猶能正首丘強理篋書聊自慰急呼家釀與澆愁

不堪萸菊生佳色  
悵望雲山憶勝遊

和默菴遊林屋二首

聞道尋真林屋洞  
歸來笠澤路應賒  
未須敕賜鑑湖水  
所憶傳經許掾家  
蒸朮煙侵雲去逸  
歸樵路逼澗崩斜  
只恐武陵迷去向  
移船處處遍桃花

君向山中餌絳霞  
行經丘壑路忘賒  
仙公久住金庭館  
祕訣應留玉斧家  
湖上帆將青影度  
煙中鳥趁夕陽斜  
亦欲維舟候春水  
華林相約采松花



題竹

歎息真成汗漫遊，經春歷夏又嗟秋。  
林居已是能鳴士，顧我寧非不繫舟。  
江渚出吟聊自適，竹梢清淚浩難收。  
王孫莫道歸來好，芳草天涯恨未休。

三月廿日遊海雲蘭若寫竹石古槎

春盡湖濱偶獨來，高僧煮茗話和諧。  
鳥啼花落忽如夢，水影苔文渾上階。  
坐咏遠遊悲世慮，閒將曠達遣愁懷。  
竹林生筍還相別，人事睽離亦易乖。

十三日晚步良輔南園

晚步南園秋滿林蒼茫斜日一登臨清池風動搖山影  
陰砌蛩悲和客吟窻下玉琴桐露溼竹間幽徑野泉侵  
雲樓不作人間夢白鶴眠松萬里心

次薩天錫韻寄張外史

谷口路微山木合溼衣空翠不曾晴饑猿扳檻為人立  
寒犬號林如豹聲小閣秋清聽雨卧長林日出采芝行  
道心得失已無夢沐髮朝真候五更

附錄次韻

梁溪歲莫若為情溪上梅花待雨晴徑雪曉埋山屐  
齒簷冰夜墮石林聲內篇持向松根讀如意攜  
將竹裏行短晷何能理幽事南窗剪燭話寒更

寄鄭徵士

谷口子真今最賢久別鬱鬱夢相牽好營秫田多釀酒  
欲買茅屋尚無錢兄病每書賒藥券客來唯候煮茶煙  
闔閭城東有艇子憶爾青燈相對眠

附次韻

鄭元祐

穴培薜荔根株懸倒架葡萄藤蔓牽非無洛下先生  
屋須待邛州錄事錢鴻雁天高青不雨鶴鶴沙  
暖白生烟松雲隱屋結構未何日書來解榻眠

又

張天雨

衣桁常容蛛網懸  
石牀渾讓女蘿牽  
道術何煩孔  
廟屋廬政用却  
超錢泉崩澗底  
歸樵路雨壓厨  
頭蒸木煙誰見  
西林拆書夜一  
枝風竹鶴鳩眠

和朱秉中三首

鳥啼花落水西潯  
幾日門前春水深  
避世何心歌白石  
論交原不在黃金  
樽散餘年猶嗜酒  
夢回遠道獨驚心  
桃源亦有秦人在  
落日漁舟何處尋

僦居茅屋碧江潯  
花落空階一尺深  
山簡由來狂愛酒  
管寧不復顧鋤金  
長鯨吸浪成何事  
老鶴鳴臯見遠心

中歲畏從親友別自憐黃一作華髮已侵尋

白板扉開江水濤雨餘階下綠苔深  
愚人自寶應非石  
同舍緣知不盜金  
天地瘡痍誰復憫  
江湖羈旅我同心  
故山日日生歸夢  
翠竹青松自百尋

彥楨繼和復答二首

風生水國晝多陰  
錯莫遲回意自深  
鮑叔今封馬鬣塚  
鍾期誰範裊蹄金  
一官政不為人役  
七字真能慰我心  
乳燕鳴鳩更無賴  
片時春夢不堪尋

鳥啼花落水西潯春水侵門雨尚深  
丈室自寬千戶邑一經已富滿籬金  
殘年檣散仍憂國短髮絲垂獨苦心  
可似桃源潔身去漁舟何處得重尋

寄德朋

故人欲問梁鴻宅遺跡猶應杵臼存  
楓葉菊花秋瑟瑟荒園廢圃雨昏昏  
農人掩舍春明墅縣吏催租夜打門  
惟有德朋多遠思賦詩刻燭酒重溫

贈楊大同

石魚峯下子危子出有揚羲陪勝遊斜日碧山梁苑暮  
清風白拂冶亭秋松肪和飲三危露桂棹同乘萬里流  
擬酌春醪相慰藉梅花欲發聽鳴騶

### 題枯木竹石

益公以道不見忽忽七改年矣辛亥七月余  
來自茗溪偶過松陵之桐里雙井院數日矣  
以道因過慧日懺堂解后一見  
因寫竹樹小山并賦詩寄意云

一笑相逢豈有期因懷西崦話移時李公堂裏頻曾宿

一作祠畔

空餘月

陸子泉頭舊有詩旅思淒淒非中酒人情落

落似殘棋雲濤眼底三生夢鷗影秋汀又語離

以道因詠余舊詩春日試筆一首今三十年矣

併書畫上

是曰秋水性源  
二上人同集

喜看新酒似鵝黃已有春風拂草堂二月江南初破柳  
扁舟晚下獨鳴榔苔生不礙山人屐花發應連野老牆

世外寧辭

一作美  
酒已拚

千日醉未容人事惱年光

一作莫將  
時事攪愁

賜

次韻叔勝先生七言一首錄呈伏冀賜教



朱絃流水寫徽音古意寥寥何處尋道力已消金鑛淨  
禪那曾住嶺雲深毀譽不礙逍遙樂慾室應無忿慾心  
說與先生惆悵恨牛山何日見成林

瓚此三兩月方為義士之賢子與二三名勝作  
為文辭以頌述其德美且預為挽詩弔文之類  
家傳而戶習或有每夜醉咏一過大笑而登床  
者獨先生不隨流俗哀哀耳如何如何故賦此  
以發一笑云乞於韻會中檢尋瓚字一  
觀明日即納還也匆匆不具瓚啓上

### 重改次韻奉答

朱絃流水寫徽音古意蕭寥尚可尋道業已消金鑛淨

禪那曾住嶺雲深猿猱騰攫初何怪風雨飄搖不動心  
笑爾自戕成濯濯牛山何日見喬林

此間俊秀子弟習尚不佳為二三不孝義無廉恥之徒誘引而喪其良心以不孝悌為當為以講論是非毀謗輕薄為政事蘭蕙而尚化為茅況中人之才者乎先生以為何如良心淪亡莫壞何異是可哀也

十三日贛啓上

歲在甲寅中秋夜寓姻鄒氏病中咏懷

經旬卧病掩山扉巖穴潛神似伏龜身世浮雲度流水  
生涯煮豆爨枯萁紅蟲捲碧應無分白髮悲秋不自支

莫負尊前今夜月長吟桂影一伸眉

壬子七月一日留昌言高尚書堂寫圖賦贈

下有

陽文雲林子印此

畫藏項玄海家

七月一日風雨集桐里湖邊吹夕涼柳葉顰煙籠翡翠  
荷花濺淚溼鴛鴦却疑身在瀟湘渚且著舟停雲錦鄉  
顧我自非徐孺子陳蕃下榻更銜觴

贈別宋君仲溫


有序

至正乙巳三月廿四日仲溫高士與沈文舉  
共載訪余笠澤東渚之蝸牛廬中相從過王

明宅煮茶留坐遂以永日吹笙鼓琴於水光  
林影間但恨吾子儀遠在數十里外不得同  
此集也廿五日仲溫別余  
他之漫成長句以寫余懷

三月將闌春欲夏循簷共看辛夷花階前淪茗香照色  
坐上吹笙清不嘩拄杖偶過公子宅班荆宛似山人家  
宋玉才情何可得肯拋塵土踏江沙

清閔閣全集卷六



總校官庶吉士 臣張能照

校對官庶吉士 臣翟槐

謄錄監生 臣溫之誠

欽定四庫全書

蒼要

集部

清閔閣全集卷七

詳校官助教臣謝登雋



欽定四庫全書薈要卷一萬六千五百五十三

集部

清閼閣全集卷七

元 倪瓚 撰

七言絕句

吳中

望中煙草古長洲不見當時麋鹿遊  
滿目越來溪上水流將春夢過杭州

九日登華氏溪亭

茱萸黃菊稍斑斑野水蒼煙草莽間送客歸來逢九日  
華家亭上獨看山

六月五日偶成

坐看青苔欲上衣一池春水靄餘暉荒邨盡日無車馬  
時有殘雲伴鶴歸

竹枝詞

會稽揚廉夫邀余同賦西湖竹枝詞余嘗暮  
春登瀕湖諸山而眺覽見其浦溆沿洄雲氣  
出沒慨然有感於中欲托之音調以聲其悲  
歎久未能成章因觀廉夫之作為之心動言



宣詞凡八首皆述  
眼前不求工也

錢王墓田松柏稀  
岳王祠堂在湖西  
西泠橋邊草春綠  
飛來峰頭烏夜啼

湖邊兒女十五餘  
烏紗約髮淺妝梳  
却怪爹娘作蠻語  
能唱新聲獨當壚

湖邊女兒紅粉妝  
不學羅敷春采桑  
學成飛燕春風舞  
嫁與燕山遊冶郎

心許嫁郎郎不歸  
不及江湖不失期  
踏盡白蓮根無藕

打破蜘蛛網費絲

阿翁聞說國興亡  
記得錢王與岳主  
日暮狂風吹柳折  
滿湖煙雨綠茫茫

春愁如雪不能消  
又見清明插柳條  
傷心玉照堂前月  
空照錢唐夜夜潮

嗚嗚歸雁度春江  
明月清波雁影雙  
化作斜行箏上字  
長彈幽恨隔紗窓

辮髮女兒住湖邊  
能唱胡歌舞踏筵  
羅綺薰香回紇語

白纒蒙頭如白煙

二月十九夜風雨淒然南渚旅寓篝燈與端叔  
共坐因念兵戈滿地溪動故山之思遂賦一  
絕

春雨春風滿眼花夢中千里客還家白鷗飛去江波綠  
誰採西園穀雨茶

答陳叅軍

世故紛紛自糾纏南山修竹老風煙陳公懷抱政如此

清影蕭蕭月滿川

偶成

紫燕低飛不動塵  
黃鸝嬌小未勝春  
東風綠遍門前草  
暮雨寒煙愁殺人

贈馮文仲

知君近住西湖曲  
湖水淪漣似輞川  
窓下青松高百尺  
時時落雪滿琴絃

春日

鶯啼花落罷琴樽  
山郭鳴鐘靄已昏  
莫嗔野鹿當蘿徑  
只有春風到草門

青林微雨見東臯  
桑柘陰陰飛百勞  
可憐柳絮浮春水  
無復縈空百尺高

黯黯春雲映戶輕  
綠蕪斜日忽開晴  
依微野徑泉侵盡  
風落桐花遠思生

水仙花

曉夢盈盈湘水春  
翠虬白鳳照江濱  
香魂莫逐冷風散

擬學黃初賦洛神

絕句

醉喚吳姬舞蹈筵  
風攔花陣亦迴旋  
愁生細雨寒烟外  
詩在青蘋白鳥邊

寄友

二月江水青接天  
楊柳隔江搖綠煙  
一夜愁心似春雪  
隨風舞影落君前

正月廿六日漫題

柳雲汀樹晚離離  
飲罷人歸野渡遲  
睡起香銷金鵲尾  
獨聽疎雨打窗時

宿玄文館

玄館清虛五月秋  
疎簾珍簟看瀛洲  
窗前種得青桐樹  
時有鳳凰栖上頭

答范徵君見懷

想見雨池春溜滿  
唯應閒院綠苔生  
落盡櫻桃杏花發  
輕舟歸去看春耕

別潘先輩

君來烟草正淒迷  
君去溪頭柳葉齊  
掛席中流竟東上  
莫重回首向荆溪

宜遠樓

宜遠樓前春可憐  
數峰依約亂流邊  
若為倚劔崆峒外  
回望齊州九點烟

次曹都水韻

水晶茶經手自箋  
夜燒綠竹煮山泉  
莫留樵客看棋局



持斧歸來幾歲年

蕭閒

一作夜寒

館裡挑燈宿山蜀重敷六尺床  
隱几蕭條聽

夜

一作塢

雨竹林烟幕煮茶香

慧麓小隱

錫麓洞前開竹扉孟公舊築草堂基  
已倩王維圖別業  
更從裴迪賦新詩

題玄會菴僻間

風雨縈窓

一作愁

夢不醒紫薇花發渚南亭  
望中迢遞孤

烟起白鳥飛來菰蔣青

追和戎昱寄許鍊師

雲霧軒窗倚半空  
少霞銘處識新宮  
遙看一片秋山色  
鶴影徘徊明月中

至正十四年二月廿五日雨郊君九成留宿高齋篝燈為寫春林遠岫圖併次其韻

我別故人無十日  
衝烟艇子又重來  
門前積雨生幽草  
牆上春雲覆綠苔

斷送一生棋局裏  
破除萬事酒杯中  
清虛事業無人解  
聽雨移時又聽風

沒徑春泥不出門  
山煙江霧晝長昏  
糟床聲雜茅簷雨  
破却陰寒酒自溫

郊子論詩冀北空  
晤言千里意常同  
待晴紫陌堪縈手  
行咏山光水影中

附錄郊九成原韻四首

杏花簾幙看春雨  
深巷無人騎馬來  
獨有倪寬能憶  
我黃昏躡屐到蒼苔

春色三分都有幾  
二分已在雨聲中  
墻東兩箇桃花

樹恨殺朝來一陣風  
十日春寒早閉門  
風風雨雨怕黃昏  
小齋坐對黃金鴨  
寂寞沉香火自溫  
春寒時節病頭風  
惆悵年華逝水同  
世事總如春夢裡  
雨聲渾在杏花中

### 邨居

疎疎梅雨摘花香  
寂寂桐陰枕簟涼  
一作研席涼怪底林間金  
彈子枇杷都熟不知嘗

### 雙井院前小立

山色微茫好放船  
秋葉野水夕陽邊  
西風更灑菰蒲雨

羨爾沙鷗自在眠

舟過梁谿

蕩槳清溪欲盡頭  
亂山出沒暮雲稠  
便當濯足聊停棹  
何處飛來雙白鷗

宿義興先太初上人房

初公樓上雨蕭蕭  
楊柳垂烟隔岸搖  
何處舟人掉歌發  
山長水遠望蘭橈

周將軍祠隔水近  
岳鄂王廟亦東隣  
百年故事誰記憶

風雨清明愁殺人

雪中折枇杷花寄吳寅夫

雪中自折枇杷花走寄城南處士家  
明日雪晴定相過  
兩株松下煮春茶

雪不止重寄

清夜焚香生遠心  
空齋對雪獨鳴琴  
數日雪消寒已過  
一壺花裏聽春禽

三月廿日題所寫屋壁

梓樹花開破屋東  
隣牆花信幾番風  
閉門睡過兼旬雨  
春事依依是夢中

隣牆桂花盛開

扶疎桂樹隔隣牆  
時有飛花到石床  
起近南簷看月色  
不須更炷水沉香

題靈巖寺壁

我到靈巖古寺中  
雲烟樓閣鬱重重  
今朝醉倒山前石  
留取綸巾掛偃松

寄陸鍊師

忽憶南湖陸鍊師，若為湖上住多時。  
明朝擬望仙帆至，好買松鱸作膾絲。

贈曹德昭

谷口桐林落絳霞，仙帆初泊野人家。  
蕭閒館裏青苔合，看到堦前芍藥花。

客舍詠牽牛花

小盤承露淨鉛華，玉雪依稀染碧霞。  
弱質幽姿娛老眼。



傍人籬落蔓秋花

江上

石侵春雨林間蘚竹帶沙汀日暮煙江上清陰隨月落  
船頭白鳥傍人眠

晚照軒偶題

南湖春水碧於天夢作沙鷗狎釣船綠樹拂簷風雨急  
覺來依舊北窗眠

簷前幽鳥自相呼池上紅蕖映綠蒲五月夜涼如八月

一窓風雨夢南湖

寄友人

周君讀書離墨山中卧看白雲間  
翻然遂逐雲歸去  
松下草堂深閉關

烟雨

烟雨空濛遠樹齊  
人家樹底自成蹊  
只應三月吳松尾  
渚際維舟聽竹雞

聞竹枝歌因效其聲

鈿山湖影接松江橘葉青青柿葉黃要寫新詩寄音信  
西風斷雁不成行

江流不住楚山青船到潯陽幾日程不忍寄將雙淚去  
門前潮落又潮生

雨後

雨後空林生白煙山中處處有流泉因尋陸羽幽棲處  
獨聽鐘聲思惘然

四月七日雨

水宿風行冬復春汀花汀草思紛紛泊舟無賴終宵雨  
夢入蒼梧萬里雲

六月十一日題吉祥庵壁

僧夏安居我息機清風日為掃柴扉身形已似松梢鶴  
還有悲歌續令威

隨宜喧寂了殘生飯飽悠悠曳履行日落吳松半江影  
莫將欣厭惱閒情

乙巳三月七日清明風雨憤憤賦此

春多風雨少曾晴  
愁眼看花淚欲傾  
亂離漂泊竟終老  
去住彼此難為情

雅宜山舊名娜如山  
蓋虞道園所更然未若娜  
如之名近古也  
施君宜之先隴在其處  
索余賦詩因為竹枝歌二首遺之以復其舊焉

娜如山頭松柏青  
闔閭城外短長亭  
來山未久入城去  
駐馬回看雲錦屏

娜如山頭日欲西  
採香徑裏竹雞啼  
南朝千古繁華地

康鹿蒿萊望眼迷

二月十五日雨作

風軒紅杏散餘霞  
堤草青青桃欲花  
寒食清明看又近  
滿川煙雨亂鳴蛙

寄曹都水

溪南山影碧叢叢  
水閣風林處處同  
周處廟前新漲濶  
數聲柔櫓月明中

送初上人參禮光公二首

西崦欣逢初上人妙年藻思如春雲育王塢前禮佛竟  
應修白業益精勤

阿育王塢舍利存山氣無雪春冬溫蓮花臺近多羅樹  
中有人談不二門

對雨遣懷

數日枇杷花落盡可憐春事到櫻桃聽風聽雨眠三日  
排遣新愁付濁醪

懷都水曹君

荆蠻野褐最清癡怕與高人話別離  
記得解攜雙樹下風帆目短淚垂垂

贈墨生吳善

銅官山下白雲亭澗底長松長篴苓  
傳得潘生燒墨法墨成持贈寫丹經

寄德常別駕二首

長洲東去有僧居狂士來遊密雪初  
欲覓故人張別駕清貧猶苦出無車



愛爾作官清海濱  
海濤嶺雪白如銀  
已占麥隴雙岐秀  
一作麩麥  
漸有衣襦富昔民  
明年喜

松陵

松陵原上望長洲  
綠玉平鋪江水流  
好取釀為千日酒  
大瓢酌月散煩憂

秋容軒

乍見芙蓉開滿樹  
夏憐揚柳綠含風  
秋容好處無人會  
都在溟濛煙雨中

碧花翠蔓引牽牛  
藜竹黃葵意更幽  
不用田疇三日雨  
已輸穠稔十分秋

靈壁歌危四五峯  
枇杷細弱未成叢  
撞籬西面雲千畝  
牛背時聞一笛風

雜賦五首

恢公妙得華光理  
月影縱橫白尚玄  
留取禪門三昧法  
松滋楮穎過年年

空江水冷佩珊珊  
去國千年始一還  
身似吹笙王子晉

夜騎白鶴過緱山

一色青江四面同樓居如在畫圖中主人欲刻皆山記  
須得環滁老醉翁

曾傍江流築釣磯朱門華屋事都非身如王謝堂前燕  
歲歲猶過白板扉

痛飲酣歌未是狂有岐何處覓亡羊芹羹木煎茅君酒  
夏醉人間一萬場

贈通上人二首

慧遠深心白蓮社湯休麗句碧雲篇懺摩不懈香燈供  
般若仍通文字禪

雨後春池芹細細月明寒渚竹娟娟東林門外聞鐘返  
只有陶公妙入玄

### 煙鶴軒

林宗道新闢小軒南望平蕪烟樹眇然有千里之思因名之曰煙鶴蓋取韋刺史遠水煙鶴唳詩語為賦

二絕句著軒中

煙鶴軒前枕石眠一聲清唳落江烟攬衣起望行雲急

遠思憑虛忽欲仙

楓落吳江雲雨空  
戛然鳴鶴紫烟中  
坐看雪影橫江去  
明滅寒流夕照紅

寄友

無室無家老夏顛  
草衣木食度年年  
開春若問桃花宿  
先到俞君舊宅前

與錢伯行宿棲雲堂

小龍江上棲雲室  
望見石湖湖盡山  
來與幽入

一作錢翁住

三日白雲妍暎滿中間

贈金頰翁製箴篋

聞君有漏與無漏木杓箴篋都一般欲覓頰翁安樂法  
無生話子說團樂

寄友

楊柳春風未放黃晴天孤雁不成行忽思小謝生幽夢  
芳草池塘路亦荒

調玄度

江渚荷花落日紅畫檐攔檻納涼風何人得似張公子  
詩在烟波眺望中

六月九日過以中野亭賦

荳苗引蔓已過簷荇葉團團菱葉尖兀坐野亭忘日暮

一作野亭中

閑坐至晚 窓前竹影月纖纖

墨梅

幽蘭芳蕙相伯仲江梅山礬難弟兄室裏上人初定起  
靜看明月寫敷榮

贈玄容

枯柳疎條栖鳥稀  
歸人稚子候簷扉  
政如十月江南岸  
落日西山翠影微

林亭晚岫

八月江南未隕霜  
青楓欲赤碧梧黃  
停撓坐對西山晚  
新雁題詩已著行

王都事家聽周子奇吹笙

隔水吹笙引鳳鳴  
十三聲外柳風清  
風流自有王子晉



留取清樽吸月明

聞鴝鵒

林影曨曨鴝鵒聲  
歐陽詩句最關情  
畫簷官燭朝儀早  
欹枕船窗憶太平

答王長史

經年不見王內史  
秋夜有懷如此何  
澄不為清撓不濁  
汪汪萬頃玉湖波

寄雪林隱君索折芍藥花

堦前紅藥無人摘  
彩翠籠烟溪水南  
為折一枝和瑞露  
小窗卮酒咏春酣

春雨

春雨蕭條獨掩扉  
庭柯逕篠綠依依  
莫思南渚停舟處  
煙柳垂陰滿釣磯

寄王叔明

野飯魚羹何處無  
不將身作係官奴  
陶朱范蠡逃名姓  
那似烟波一釣徒

題張元播扇

聽雨樓中暑亦一作也自涼間停筆硯靜焚香君來為煮菘

山茗自洗冰甌仔細嘗

贈原上人

上人住近西山麓左右泉聲喬木深拄杖逍遙扣門去  
臨池濡墨寫春陰

調張德機

空折花枝插滿盆清吟清坐想盤飧主人欲出一作松

肪釀謾道糟床尚苦渾

贈張德常二首

老疾吟哦張判官  
僦居江海覺心寬  
好乘黃鵠風埃表  
萬里雲霄一羽翰

齧齟疲駑飲齧餘  
鞭笞喘汗駕鹽車  
麒麟已老終超逸  
不受金羈去玉除

又寄

聞道淮安之任去  
尊君今住叔兮家  
來城又鼓吳淞柁

好過苔磯弄釣車

比間從者來吳城旦夕之官淮安復往吳淞迎尊  
君矣舟經笠澤能一枉顧否茲因令弟德撰徵君  
之便輒成小詩以寄倪瓚  
再拜良常府判明公執事

題墨竹

燈下蕭蕭玉一枝吳松欲雪暮寒時憑君為把青鸞尾  
大掃陰雲息怨咨

題李光祿墨竹

雲氣脩脩青鳳翎湘江鼓瑟倩湘靈  
鑿張此畫驚奇絕

醉倒茅君雙玉瓶

題宋仲溫竹枝

畫竹清修數宋君  
春風春雨洗黃塵  
小窓夜月留清影  
想見虛心不俗人

寄王主簿

客愁最似未招魂  
老去情懷孰與論  
詩寄句容王主簿

憶從白壁達天門

太白常從金陵泝流過白壁山玩月達天門賦詩

寄張處士

江邊揚柳綠搖一作煙影落青波萬里天處士時時驚

夢起一作曉夢門前推鼓發鹽船

人我二首

人以秋毫軒輕我我心澹然如碧淵何期失脚墮塵網  
談笑區中飽世緣

醉中了了夢中醒好語狂言不用聽莫起黑風飄鬼國  
長教明月照中庭

因廬山甫便寄曹德昭

使者停車溪水西  
借栽綠竹僦幽栖  
玉川野客尋津去  
悵望孤帆意轉迷

船中

野水荒寒

一作烟

寂寞濱萋萋  
芳草也知春  
五湖雲浪浮

天白好遣輕鷗狎  
隱淪

答王長史

蕭蕭短髮不須冠  
何處繫舟雲水寬  
西塞山前夕陽裏  
青芙蓉墮水精盤



秋日

芙蓉花下坐鳴琴疑在瀟湘斑竹林翠節霓旌烟雨溼  
秋來江水不知深

秋水清空

一作虛

似泛槎此生汨沒似無涯蕭閣堂上收

書坐八月芙蓉始著花

贈岳子

岳生孫子最清顛坐石彈琴和澗泉一簣松肪初釀得  
賸將醉爾竹林前

寄安遇

隣家借得酒盈罌  
薄飯留君午不羹  
僧夏安居餘半月  
重來相與說無生

雨晴

江上白蘋風起波  
冷紋縈碧暮煙和  
織成一幅鴛鴦錦  
零落紅衣遠恨多

七月二十八日過丘氏林居  
秋風騷騷然至暮  
大作終夜不息因作小詩

西風揚柳暮騷騷零落江雲起怒濤坐看荷花都落盡  
倚窓孤詠楚天高

詠鵝三首

泛雪翻雲未足佳  
桡萍唼荇戲江沙  
舉羣此日籠歸去  
識得能書內史家

草青莎軟暮烟和  
點綴春江愛白鵝  
不似貪饕誇厭厭  
萬錢日食未嫌多

真迹黃庭世所珍  
當時聊復送鸞羣  
寧知雪後攻城者

使亂軍聲用進軍

二月六日南園四首

正月已闌煙雨寒  
泊舟東渚聽風湍  
山長水遠鳥飛急  
不是離人也鼻酸

雨裏櫻桃兩樹開  
北風吹盡臘前梅  
荒筠隅隩無多柳  
細草汀洲併是苔

春月寒逾臘月寒  
盲風怪雨泊江干  
天工自不為人料  
一種春光有幾般

有子政如無子同異居邈若馬牛風人間何物為真實  
身世悠悠泡影中

贈僧

清流堂上無塵事  
竒石修篁映梵書  
長日粥魚齋鼓罷  
竹窓虛寂坐如如

絕句

七月三日快哉風  
野亭不厭酒杯空  
况有尊前沈腰瘦  
何妨醉倒田家翁

題高房山畫卷

屋邊昨夜春風起  
蔣芽荇葉生春水  
睡醒獨坐無人聲  
歷歷青山水光裏

吳仲圭山水

道家家住梅花村  
窗下松醪滿石尊  
醉後揮毫寫山色  
嵐霏雲氣淡無痕

題秋江圖

長江秋色渺無邊  
一作鴻雁來時水拍天  
七十二灣明

月夜荻花楓葉覆漁船

畫竹贈申彥學

吳松江水似清湘  
烟雨孤篷道路長  
寫出無聲斷腸句  
鷓鴣啼處竹蒼蒼

阿儂渡江畏風波  
聽渠聲唱竹枝歌  
淇園青青淇水綠  
不似瀟湘烟雨多

雲林小景圖

赤城霞暎神芝秀  
洞裏桃花不記春  
何事却將山水腳

鍾陵市上踏紅塵

後數年復用韻

憶昔舟歸雪浦濱  
松林瑤草欲生春  
閒拈逸筆圖清思  
今日披圖似隔塵

題畫十二首

南望銅官曉色新  
三株松下一茅亭  
何當濯足臨前澗  
坐石閒書相鶴經

落落長松生夏寒  
莓苔擣散共盤桓  
王謝家庭多玉樹



依然猶是晉衣冠

舟過松陵甫里邊  
幽篁古木尚蒼然  
何人得似王徵士  
靜看輕鷗渚際眠

坦腹江亭枕束書  
澄清江水自空虚  
修篁古木悠悠思  
何處青山可卜居

松瀑飛流到枕邊  
道人清坐不須絃  
青山點點白雲外  
用意何曾讓鄭虔

新柳春柯未著鴉  
短籬茅屋野僧家  
放舟不怕歸來晚

白水田畦已有蛙

湖水清空好放船  
青山依約白鷗邊  
忽思周處祠前路  
古木荒烟一惘然

笠澤依稀雪意寒  
澄懷軒裏酒杯乾  
篝燈染筆三更後  
遠岫踈林亦耐看

嘉樹幽篁澗石隈  
當年曾此好懷開  
如今寂寞空山裏  
誰復緘情折野梅

樓閣參差霞綺開  
峰巒重複水縈迴  
赤欄橋外垂楊下

步月吹笙向此來

青山矗矗水舒舒  
相見郊原霽雨初  
絕似三高亭上望  
人家依約樹扶疎

右臨青嶂左澄江  
未覺羲皇遠北窓  
安得茅君酒斟酌  
幽人許致玉瓶雙

為吳溥泉畫窠石平遠圖漫題

地僻林深無過客  
松門元自不曾關  
展將一幅溪藤滑  
寫得湖陰數點山

題畫贈原道

二月東風溪水綠  
幽林修竹影參差  
杖藜日日溪西路  
魚鳥相娛只自知

題張以中畫

密雪初晴僧舍深  
地爐活火酒時斟  
張家公子清狂甚  
冒冷看山意不禁

題吳采鸞像

誰見文簫逐采鸞  
碧山蘿月五更寒  
猶遺寫韻軒中跡

留得風流後世看

為吳處士畫喬林礪石

山家日出無行踪  
雪樹烟蘿遠且重  
不見鹿眠磐石上  
提壺自掛一長松

題趙榮祿搯瘡馬圖

韓幹真龍下筆肥  
銀鞍羅帕絡青絲  
春風碧野和烟放  
誰見林間搯瘡時

題幽禽筠石圖送高霞還玄元館

煙雨蕭蕭墨未乾  
幽禽枝上語春寒  
玄元館裏多筠石  
飯飽臨池自在看

題陳仲美畫次張貞居韻

杜老茅堂倚石根  
往來西瀆與東屯  
一庭秋雨青苔色  
自起鈎簾盡綠尊

斜日西風吹鬢絲  
披圖弄翰學兒嬉  
釣竿拂着珊瑚樹  
張祐題詩我所師

為塞原道題竹木圖

踈篁古木都成老石澗莓苔亦有花排闥不須千日酒  
聊將小筆畫龍蛇

題寂照蔣君遺像

併引

君諱圓明字寂照暨陽人也年二十一歸於  
我勤儉睦雍里稱孝敬歲癸巳奉姑挈家避  
地江渚不事膏沐游心恬淡時年四十有七  
矣如是者十一年癸卯九月十五日微示疾  
十八日儻然而逝題像  
甲辰正月廿四日也

幻形夢境是耶非縹緲風鬟雲霧衣一片松間秋色  
夜深惟有鶴來歸

梅花夜月耿冰魂江竹秋風灑淚痕天外飛鸞惟見影  
忍教埋玉在荒村

題曹雲西畫

吳松江水碧於藍怪石喬柯在渚南鼓柁長吟採蘋去  
新晴風日夏清酣

題畫與強仲端

日暮移舟何處泊強家亭子水西頭惠山只在湘簾外  
雨後幽泉想亂流



題畫贈崔子文之金陵

性癖居幽每起遲  
一來溪口意淒迷  
林亭曉色蒼茫裏  
目送風帆過水西

拜石圖

米章愛硯復愛石  
探瑰抉竒久為癖  
石兄足拜自寫圖  
乃知顛名不虛得

題畫

疎林小筆聊娛戲  
畫與金華張隱君  
好為林間橫玉筵

秋風吹度碧山雲

我識幽人顏仲逸  
樂攔竹徑近前除  
不將世事經心耳  
濁酒盈樽讀漢書

題竹樹圖二首

海中鐵網珊瑚樹  
石上銀鈎翡翠梢  
烏夜亂啼江月白  
檀欒飛影下窓坳

江邊樹影墨模糊  
江上青山日欲晡  
野思悵然無晤語  
時來臨水照眉須

為德常寫竹

張公宅裏挑燈話對影依依夢寐同坐到夜深喧境寂  
庭前踈竹起秋風

題畫竹贈張元實

髯翁中歲得麟兒漆點雙瞳玉作頤可惜空齋無楮頽  
為拈秃筆掃風枝

次張外史韻題商學士畫

獨棹扁舟引興長踈林遠岫見微茫商侯畫筆張仙句

金匱石室  
卷七  
可比豐城寶劍光

柯丹丘梅竹

竹裏梅花淡泊香  
映空流水斷人腸  
春風夜月無踪跡  
化鶴誰教返故鄉

古木竹石圖

古木幽篁春淡淡  
斜風細雨石蒼蒼  
何人識得黃花老  
弄翰同歸粉墨囊

題畫贈王允同

湛湛綠波春雨裏娟娟翠竹曉風前此中著得玄真子  
一棹夸猶獨醉眠

桐露軒前月滿窗竹聲樹影落春江青苔石逕無人跡  
坐待歸來白鶴雙

二王遊騎圖

每憶開元全盛時二王遊騎日追隨鵲鷓原上雙兄弟  
挾彈荒郊想鳳池

看花仕女圖

畫圖常識春風面雲霧衣裳楚楚裁為問人間春幾許  
石欄西畔牡丹開

仕女剖瓜圖

月彎弓削破翠團團六月人間風露寒誰覓東陵故侯去  
但知華屋薦金盤

趙魏公簡

天上宣和落墨花彙齋松雪擅名家遙看蒼雪山如玉  
雪後春風自茁芽

管夫人竹

夫人香骨為黃土紙上蕭蕭墨色新  
悽斷鷗波亭子上  
鏡臺鸞影暗凝塵

柯丹丘梅竹

山川搖落夜漫漫老木幽篁巧耐寒  
畫裏陳侯有佳句  
皎如明月映琅玕

題陳惟允畫

韓公曾聽穎師琴山水蕭條太古音  
不作王門操瑟立

溪山高隱竟何心

題趙承旨墨竹

籊籊生綃寫竹竿愁看春雨溼

一作滿

空壇風流誰識當

年意萬里鷗波烟景寒

題木石贈丘志

古木幽篁丘氏宅江波落日妙蓮庄泊舟風雨留三宿

一作月

臥看鳧鷖十里塘

荆溪秋色圖為卜震亨題



畫畫溪頭秋水明上人逸筆思縱橫雲山多少玄暉句  
不道毫端畫得成

為潘仁仲寫梧竹草亭

翠竹蕭蕭倚碧梧一亭聊以賦閒居浮杯樂飲思潘岳  
藻思春江濯錦如

韋羗草堂圖

韋羗山中草堂靜白日讀書還打眠買船欲歸不可去  
飛鴻渺渺碧雲邊

宿禪悅僧舍題趙榮祿馬圖

山僧院裏無塵事  
夜雨燈前興不孤  
寥寥說竟無生話  
更覽王孫駿馬圖

畫贈王生

白沙岸下幽人宅  
翠竹林中賣酒家  
好事江干王處士  
客來為黍酒仍賒

松澗圖

青松澗底結淒陰  
老大還無用世心  
張洞西邊煮藥竈

山靈虛閉白雲深

題墨水仙花

宋諸王孫釋大雲清詩多為雪精神誰言一點金壺墨  
解寄湘江萬里春

仲穆馬圖

花門舊進青驄馬天水王孫貌得真溪上猶遺光祿宅  
海寧何以久風塵

題幽篁古木圖贈文靜徵君

環慶堂前翠竹多  
雨苔侵石樹交  
柯不遊罨畫溪頭路  
奈此春宵月色何

題畫竹

娟娟風枝墨未乾  
美人湘水逐笙鸞  
恍然一枕遊仙夢  
清影縱橫山月寒

怪石足當米老拜  
修竹定是王猷栽  
磊落瓊瑰雨洗出  
團欒清影月移來

怪石雨餘苔蘚滋  
月明鸞尾影參差  
春風忽過庭前樹

會見清陰覆墨池

斑斑石上蘚紋新  
陰落先生烏角巾  
貌得兩枝初雨後  
可憐清興屬幽人

為寫新梢十丈長  
空庭落月影蒼蒼  
王君習次冰霜凜  
剪燭談詩夜未央

琅玕節下起秋風  
寒葉蕭蕭煙雨中  
贈子仙壇翠鸞帚  
杏林春掃落花紅

逸筆縱橫意到成  
燒香弄翰了餘生  
窓前竹樹依苔石

寒雨蕭條待晚晴

題畫

白雲孤鶴莫知還  
船泊錢塘看越山  
珍重今朝重展卷  
吟詩作賦北窗間

小坡曾寫雞棲石  
猶在荆溪山寺中  
幾欲規摹渾忘却  
可憐零落墜秋風

庭樹霜黃尚有陰  
午窗危坐自鳴琴  
問誰得似沈夫子  
北牖羲皇見此心

荷葉田田柳弄陰  
菰蒲短短徑苔深  
鳥飛魚躍皆天趣  
靜裏游觀一賞心

中州人物獨黃華  
父子詩畫逸出羶裘之表為  
可尚也觀澹游此卷筆意蕭然有蔡天啓之  
風流蓋高尚書之所祖述而能冰寒於水與  
卷後有歐陽承旨所賦詩不揆因次其韻時  
丙午六月晦日

羲獻才情似水清  
暑窓葵扇與挑笙  
中州父子黃華老

信是前賢畏後生

後二十三年為戊申歲元度張君得此持以示  
僕披卷如夢寐間也因援筆次外史韻詩已  
為之泣然外史已仙去張榮祿鑑禪師不見  
數十年存亡不能知尤令人悽斷也九月十

日題


偶寓姚城江上邨木如蛟舞石如鼃清風明月許元度  
為余傾倒綠波軒







清閔閣全集卷七



總校官庶吉士臣張能照

校對官庶吉士臣翟槐

謄錄監生臣李華文